


大明集禮

二十三



庫文閣內			
西 函	一 九	〇	漢
二 〇	八	〇	書
架	冊	號	類

庫文閣內			
三 九	一 九	〇	漢
函	八	〇	書
架	冊	號	類

內閣文庫			
番號	漢	1900	
冊數	80 (23)		
函號	295	24	




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak








大明集禮卷十六

吉禮十六

三皇

總敘

祭法。先聖王有功烈於民者則祀之。**唐**天寶六載始勅三皇創物垂範。永言龜鑑。宜有欽崇。其擇日置廟。以春秋二時致祭。共置令丞。太常寺檢校。**宋**太祖乾德中。詔祠太昊于晉州。神農于衡州。黃帝于坊州。**元**立醫學以祭三皇。禮同釋



大明集禮 卷十一
奠文宣王。官為致祭。歲用三月三日。九月九日。州縣通祀。大德中。太常寺言。唐祭三皇。俱有廟貌。足為定規。今太醫院援引夫子廟堂十哲為例。以十大名醫配食。是以三皇大聖。限為醫流。專門之祖。似涉不經。至大中。又議配位。相貌冠服。年代遼遠。無從考證。不可妄定。當依古制。以木為主。書曰。某氏之神。而以十大名醫。依文廟大儒從祀之例。置兩廡。延祐中。復議三皇用樂。未行。至正中。始用雅樂。如文宣王廟。

國朝仍元制。以三月三日。九月九日。通祀三皇。

配位

唐伏犧以勾芒配神農。以祝融配黃帝。以風后力牧配。宋與唐同。元至大中。禮部議配享三皇。坐次宜東西相向。以勾芒。祝融居左。風后。力牧居右。

國朝因之。

從祀

元以俞跗。桐君。僦貨。季少師。雷公。鬼史。區伯。高

岐伯少命高陽十大名醫後祀。

國朝因之。

祝冊

元伏犧氏祝文曰。立極開天。觀圖書卦。乃造書契。以著人文。道統之傳。寔由茲始。敢忘報本。敬致微誠。神農氏祝文曰。運紹庖犧。王以火德。斷耜揉耒。聚貨致民。濟世之功。與天無極。聿脩常祀。仰咨洪休。軒轅氏祝文曰。迎日推策。以雲紀官。文物典章。粲然大備。垂衣而治。功冠百王。報本之誠。敢忘菲薦。

國朝大昊伏犧氏祝文曰。維 年 月 日

皇帝謹遣某官臣姓名敢昭告于太昊伏犧氏。惟皇始畫八卦。教民書契。繼天立極。肇開道統。謹以制幣牲齊。粢盛庶品。式陳明薦。以勾芒氏配。尚享。炎帝神農氏祝文曰。云惟皇始作耒耜。烝民粒食。百草是嘗。功濟萬世。云以祝融氏配。尚享。黃帝有熊氏祝文曰。云惟皇通變神化。垂衣而治。制作寢備。以濟萬民。云以風

后氏力牧氏配尚享。勾芒氏祝文曰。爰以季春有事于太昊。伏犧氏。惟神盛德在木。發生之始。功被萬物。本於至仁。謹以制幣。牲齊粢盛庶品。式陳明薦。尚享。祝融氏祝文曰。爰以季春有事于炎帝。神農氏。惟神火德司夏。長養庶物。功在上古。惠及無窮。謹以云。風后氏祝文曰。爰以季春有事于黃帝。有熊氏。惟神貫通天時。孤虛闡輿。作輔軒轅。德業名世。謹以云。力牧氏祝文曰。爰以季春有事于黃帝。有熊氏。惟神兵法奇祕。有光有烈。土德增崇。功垂萬世。謹以云。

祭器

元正位置。着尊。壺尊。犧尊。太尊。山尊。象尊。每位遠豆各十。簠簋各二。俎九。篚一。登三。鉶鼎三。血饗一。爵各三。配位缺。
國朝正位設犧尊。象尊。山罍各一。遠豆各八。簠簋登各二。配位象尊一。壺尊一。遠豆各四。簠簋各一。

幣

元及

國朝皆用白幣。

牲

唐祭三皇。牲用少牢。宋用大牢。元正位三。各用牛一。羊一。豕一。配位闕。後祀位。每廡羊豕各一斤。

國朝正位共用牛一。羊一。豕一。配位共用羊豕各一。

酒齊

元

國朝犧尊實醴。象尊實沉齊。山罍實事酒。

棗盛

元簠實以黍稷。篚實以稻粱。

國朝簠實以稷。篚實以稻。

籩豆之實

元正位籩實以石。盂。乾魚。棗。栗。榛。菱。芡。鹿脯。白餅。黑餅。豆實以韭。菹。醢。醢。菁。菹。鹿醢。芹。菹。兔醢。荀。菹。魚醢。脾。析。茹。豚。拍。

國朝正位籩減白餅黑餅豆減脾析菹豚拍配位籩實以形塩苡棗鹿脯栗豆實以芹菹菁菹鹿鸚兔醢。

樂

唐樂用宮懸。**宋**繼宗制未聞。**元**延祐中議三皇用樂之制。**唐**以前俱無明文。自天寶間始有考見。然歷代禮樂不相沿襲。祭祀亦用本代之樂。三皇之樂制作不傳。非止一日。故前代或清酌尹祭。或有牲無樂。蓋在當時已不敢輕議。宜從省

部會議施行。至至正間始用雅樂。如祭孔廟之制。

國朝用登歌樂。

樂圖

搏	拊
搏	拊
歌	工
歌	工
歌	工
歌	工
歌	工
歌	工

律

祝

琴	琴	琴	琴	琴	瑟	瑟
---	---	---	---	---	---	---

鍾

笛	笛	簾	簾	塤	塤
---	---	---	---	---	---

和笙	和笙	簫	簫	鳳笙	鳳笙
----	----	---	---	----	----

集禮卷十六七

三皇正位陳設圖

稷	鹽	榛
梁	鬯	菱
羹	棗	芡
	栗	麩

牲
燭

申立
方

集禮卷六

搏拊
搏拊
歌
歌
歌
歌
歌
歌

鐘

歌

琴 琴 琴 琴 琴 琴 琴

磬

塤 塤 箎 箎 笛 笛

鳳笙	鳳笙	簫	簫	和笙	和笙
----	----	---	---	----	----

禮儀

祝	黍
醴	稌
醢	麥
醕	蕡
醖	麩
醗	麩

牲	牲
燭	燭
燭	燭
燭	燭

三皇配位陳設圖

集禮卷六 九

鹽
乾菜
栗
鹿脯

稷
牲
燭

齊
齊
齊
齊
齊
齊

禮儀
祭
祭
祭
祭
祭
祭
祭
祭
祭

黍

牲
燭

祝

蒞

醢

薑

醢

降香遣官祭三皇儀注

時日。春以三月三日。秋以九月九日。

齋戒。

皇帝齋戒。

三獻官

以省臺官充及各執事

官俱散齋二日。致齋一日。

降香。前祀一日清晨。有司立仗。百官具公服

侍班。

皇帝服皮弁服升

奉天殿。奉香授三獻官。捧由中陛降。中道出至

午門外置龍亭內儀仗鼓吹導引至廟中。

陳設。前祀一日。有司陳設如圖儀。

省饌。前祀一日。獻官公服。并執事官集於初

獻齋所。執事者陳禮饌於廟門東南南向。贊引

引三獻官就省饌位。點饌訖。次引至省牲位。執

事者牽牲省訖。詣神廚視鼎鑊。視祭器滌漑。及

視牲充膾。遂殺牲。執事者以豆取毛血。置于饌

所。遂烹牲。命有司掃除殿內外訖。還齋所。

正祭。祭日丑前五刻。執事者入實尊。饗邊烹

簠簋列幣篚于酒尊所。贊引引獻官及應祀官

各公服入就位。樂正率工人各入就位。餘官各

服祭服。次引三獻官就殿下席位。北向立。贊禮

稍前唱有司謹具。請行事。

迎神。贊禮唱迎神。樂正舉麾奏 之曲。贊

禮唱鞠躬。拜興。拜興。平身。獻官及在位者皆鞠

躬。拜興。拜興。平身。樂止復位。

奠幣。贊禮唱奠幣。贊引引獻官詣盥洗位。搢

笏。盥手。悅手。出笏。詣

伏犧神位前樂奏 之曲。贊禮唱跪。獻官北

向跪。搢笏。三上香。執事者捧幣東向跪。授獻官

獻官受幣。贊禮唱奠幣。獻官興。奠幣于神位前。

贊引唱鞠躬拜。興。拜。興。平身。次詣

神農神位前。

黃帝神位前。并勾芒。祝融。風后。力牧。四配位。以

次上香。奠幣。皆如伏犧神位前之儀。奠訖。樂止

復位。

進俎。贊禮唱進俎。執事者舉俎升自東階。樂

奏 之曲。贊引引獻官至

伏犧神位前。搢笏。以俎奠于位前。以下神農至力牧。六位進

俎皆同。奠訖。出笏。復位。

初獻。贊禮唱行初獻禮。贊引引獻官詣爵洗

位。搢笏。滌爵。拭爵。以爵授執事者。以下六位爵其滌拭皆同。

次引詣酒尊所。司尊者舉罍。執爵者以爵進酌

犧尊之泛齊。以爵授執事者。以下六位進爵酌酒皆同。出笏。

贊禮唱詣

大昊伏犧氏神位前。樂正奏 之曲。初獻官

至神位前。跪。搯笏。三上香。三祭酒。奠爵。出笏。樂止。贊禮唱讀祝。讀祝官持版進于神座之右。北面跪讀祝文訖。樂作贊禮唱俯伏。興。平身。稍後。鞠躬拜。興。拜。興。平身。樂止次詣炎帝神農氏。

黃帝軒轅氏神位前。并勾芒。祝融。風后。力牧。四配位。以次上香。祭酒。讀祝。並如上儀。

亞獻。終獻。行禮。並如初獻之儀。唯不讀祝。分獻。贊禮俟行終獻時唱分獻官行禮。贊引

各引分獻官詣盥洗位。搯笏。盥手。悅手。出笏。次詣爵洗位。搯笏。執爵者以爵進。受爵。滌爵。拭爵。以爵授執爵者。出笏。次引至酒尊所。搯笏。執爵者以爵進。受爵。司尊者舉罍酌。齊。以爵授執事者。出笏。分詣殿上東西十哲神位前。分獻官跪。搯笏。三上香。三祭酒。奠爵。出笏。俯伏。興。平身。稍後。鞠躬拜。興。拜。興。平身。復位。飲福受胙。贊禮唱飲福受胙。贊引引初獻官詣飲福位。鞠躬拜。興。拜。興。平身。稍前。跪。搯笏。奉

爵者進爵。獻官受爵。祭酒飲福酒。以爵置于坫。奉俎者進俎。獻官受俎。以俎授執事者。出笏。俯伏。興。平身。鞠躬。拜。興。拜。興。平身。

徹豆。贊禮唱徹豆樂奏。之曲。掌祭官徹

豆。贊禮唱賜胙。傳贊唱已飲福。受胙者不拜。亞

獻官以下皆再拜。鞠躬。拜。興。拜。興。平身。樂止。

送神。贊禮唱送神樂奏。之曲。贊禮唱鞠

躬。拜。興。拜。興。平身。獻官以下皆鞠躬。拜。興。拜。興。

平身。贊禮唱祝人取祝幣。人取幣。詣望瘞位。讀

祝官取祝。捧幣者捧幣。詣望瘞位。

望瘞。贊禮唱望瘞。贊引引三獻官詣望瘞位。

贊禮唱可瘞。東西面各二人。以炬燎火。俟半燎。

實土半坎。贊禮唱禮畢。獻官以下各以次出。

釋奠文宣王

總序

周制。凡始立學者。必釋奠于先聖先師。凡學。春

夏釋奠于先師。秋冬亦如之。漢儒以先聖為周

公若孔子。以先師為禮樂詩書之官。若禮有高

堂生樂有制氏詩有毛公書有伏生可以為師者。蓋四時之學。將習其道。故釋奠各以其師而不及先聖。惟春秋合樂。則天子視學。有司搃祭先聖先師。是則漢時釋奠亦略可見矣。魏正始中。使太常釋奠于辟雍。晉釋奠皆於太學。東晉成穆孝武皆親釋奠。隋制國子監每歲四仲月上丁釋奠先聖先師。州縣學則用春秋仲月。唐初釋奠。儒官自為祭主。直云博士姓名。敢昭告于先聖。許敬宗奏請令國子祭酒為初獻。詞稱

皇帝謹遣仍令司樂為亞獻。博士為終獻。縣學則令為初獻。丞為亞獻。主簿及尉通為終獻。求為禮制。武德貞觀中皆以二月親幸國子監。釋奠。開耀景龍中皆皇太子釋奠于太學。開元中詔春秋釋奠以三公攝事。著之常式。若會大祀則用中丁。州縣用上下。宋元因古禮而損益之。國朝洪武二年。御製祭文。遣官賚御香祀于國學。中書省臣初獻。翰林學士亞獻。御香祀于曲阜孔子廟。每歲春秋二丁。降

大明集禮 卷之六

十四

國子祭酒終獻其禮樂悉如前代之制

封謚

魯哀公十六年夏四月己丑孔子卒哀公誄之

稱曰尼父。**漢**元始元年謚曰褒成宣尼父。**後魏**

太和十六年改謚宣尼曰文聖尼父。**後周**大象

二年追封鄒國公。**唐**太宗貞觀十一年詔尊為

宣聖尼父高宗乾封元年追贈太師天授中追

封隆道公玄宗開元二十七年追謚文宣王令

三公持節冊命。**宋**真宗大中祥符元年加謚曰

代國學立廟之制也。**漢**永平二年詔郡縣行鄉

飲酒于學校。**唐**今郡縣坊內立孔顏廟。**唐**貞

觀四年詔州縣學皆作孔子廟。**宋**元仍**唐**制此

歷代州縣學立廟之制也。**漢****唐****宋****元**曲阜林廟

歲時遣使致祭遇有損壞皆奉勅修理此歷代

林廟之制也

國京師及郡學曲阜林廟皆如舊制

齋封

漢高帝封夫子九代孫騰為奉祀君元帝賜孔

霸爵為褒成君。食邑八百戶。奉孔子後。光武封
 孔志為褒成侯。魏文帝封孔羨為宗聖侯。食邑
 百戶。晉武帝改封宗聖侯震為奉聖亭侯。後魏
 封孔乘為崇聖大夫。改封崇聖侯。北齊改封恭
 聖侯。後周封為鄒國公。隋改為紹聖侯。唐太宗
 封裔孫德倫為褒聖侯。給戶二十充享祀。開元
 二十七年。改封褒聖侯為嗣文宣公。武宗會昌
 二年。以三十九代孫榮為國子監丞。諱文宣公。
晉太祖以四十三代孫仁玉為曲阜縣令。宋太
 玄聖文宣王。五年。改諡至聖文宣王。元武宗至
 大元年。加諡大成至聖文宣王。詔曰。蓋聞先孔
 子而聖者。非孔子無以明。後孔子而聖者。非孔
 子無以法。所謂祖述堯舜。憲章文武。儀範百王。
 師表萬世者也。朕纘承丕緒。敬仰休風。循治古
 之良規。舉追封之盛典。加號大成至聖文宣王。
 遣使闕里。祠以大牢。嗚呼。父子之親。君臣之義。
 求惟聖教之尊。天地之大。日月之明。奚罄名言
 之妙。

廟祀

漢世京師未有夫子廟。後魏太和十三年立孔子廟于京師。唐高祖武德二年於國子監立周公孔子廟各一所。以四時致祭。世宗始營國子學。宋初詔國子監文宣王廟門立戟十六枚。徽宗崇寧中詔辟廱文宣王殿以大成為名。御書大成殿榜付國子監揭之。政和中廟門增立二十四戟。元太祖置宣聖廟于燕京。以舊樞密院為之。成宗太德十年京師新作宣聖廟。此歷宗以孔宜為太子右贊善大夫。襲封文宣公。免其家租稅。仁宗至和二年改封為衍聖公。元封孔子後為衍聖公。官嘉議大夫。至正間加為中奉大夫。

國朝以五十代孫 為衍聖公。復以五十

代孫 為曲阜知縣。並如前代之制

配享

魏釋奠孔子于辟廱。以顏回配。此配享之始也。

唐初以周公為先聖。以孔子配享。貞觀二年左

僕射房玄齡建議云武德中詔釋奠于太學以
周公為先聖孔子配享臣以周公尼父俱稱聖
人庠序置奠本緣夫子故**晉****宋****梁****陳****及****隋**故事
皆以孔子為先聖顏回為先師歷代所行古今
通允伏請停祭周公升夫子為先聖以顏回配
享從之**宋**神宗元豐七年以孟子設位居顏子
之次配食咸淳間又以曾子子思合顏孟為四
配**元**及
國朝因之。

從祀

後漢明帝幸闕里以太牢祀孔子及七十二弟
子章帝安帝因之此弟子從祀之始也**唐**貞觀
二十一年詔以左丘明以下二十一人從祀廟
庭開元八年以十哲為坐像享于堂上七十子
及二十一賢並圖于壁**宋**元豐間又以荀况楊
雄韓愈從祀于左丘明等之次理宗淳祐初以
周敦頤張載程顥程頤朱熹從祀景定中復加
張栻呂祖謙度宗咸淳初又加司馬光邵雍**元**

武宗至大間。後以許衡從祀。

祝文

皇太子釋奠正座。祝文曰。維某年歲次月朔

日子。皇太子某若有司攝則云皇帝諱敢昭告

于先聖文宣王。惟王固天攸縱。誕降生知。經緯

禮樂。闡揚文教。餘烈遺風。千載是仰。俾茲末學

依仁游藝。謹以制幣犧齊粢盛庶品。祇奉舊章

式陳明薦。以先師顏子等配。尚享。配座祝文曰。

首同先師顏子充公等七十二賢。爰以仲春仲秋

率遵故實。敬脩釋奠于先聖文宣王。惟子等服

膺聖教。德冠四科。光闡儒風。貽範千載。謹以制

幣犧齊粢盛庶品。式陳明薦。尚享。宋崇寧四年

宣聖祝文曰。維某年歲次月日。具官姓名敢昭

告于至聖文宣王。祝辭用唐文。以充國公鄒國公配。

尚享。其充國公祝文曰。維某年歲次月日。具官

姓名敢昭薦于充國公。爰以仲春。率遵故實。恭

脩釋典于至聖文宣王。惟公好學之樂。簞瓢不

改。絕塵之蹤。步趨可望。德行扶世。心同禹稷。具

改。絕塵之蹤。步趨可望。德行扶世。心同禹稷。具

體而微素王是配。鄒國公祝文曰：惟公後生孔子，百有餘歲，其知聖人如親見之，辭闕揚墨，三聖是承，扶世道，民登以配祀。咸淳三年，升侑鄒國公。沂國公，邠國公，祝文曰：惟公道明忠恕，一貫心融，正統之傳，晚年獨得。沂國公，祝文曰：惟公家傳奧學，不闡中庸，為孟之師，道統以續。首尾

並同 釋奠祝板各長一尺二寸，廣八寸，以楸梓栢木為之。祝文每祭有之。至大四年，祝文曰：惟某年某月某朔某甲子，皇帝敬遣某官等致

祭于大成至聖文宣王。惟王金聲玉振，集厥大成，有道立教，垂憲萬世，謹以制幣牲齊粢盛庶品，祇奉舊章。式陳明薦，以充國公。鄒國公配。尚享。兗國公祝文曰：維年月日，某官以仲秋率遵故實，敬脩釋奠于大成至聖文宣王。惟公聞一知十，未達一間，賢冠四科，實惟亞聖，謹以制幣牲齊粢盛庶品，祇奉舊章。式陳常典，從祀配神。鄒國公曰：惟公知言知德，亦克允蹈，攘剔異端，以承三聖。首尾同前。是時未定四配之儀，故缺沂邠一公祝文。

國朝 洪武二年。遣官降香致祭曲阜孔子。

御製祝文曰。惟神昔生周天王之國。實居魯邦。聖德天成。述紀前王治世之法。雖當時列國鼎峙。其道未行。垂教于後。以至于今。凡有國家。大有得焉。自漢之下。以神通祀海內。朕代前王。統率庶民。目書檢點。忽覩神之訓言。非其鬼而祭之。諂也。敬鬼神而遠之。祭之以禮。此非聖賢明言。他何能道。故不敢通祀。暴殄天物。以累神之聖德。茲以香幣牲齊粢盛庶品。式陳明薦。惟神鑒焉。

祭器

唐 開元儀。先聖先師每座犧尊二。象尊二。山罍二。尊皆加勺。罍有坩。以置爵。籩各十。豆各十。簋各二。簋各二。俎各二。罍各一。洗各一。篚各一。**宋** 祥符儀。先聖先師每座犧尊四。象尊四。在殿上為酌尊。太尊二。山尊二。犧尊二。着尊二。象尊二。壺尊六。在殿下設而不酌。籩各十。豆各十。俎各八。簋各二。簋各二。從祀各籩二。豆二。簋各二。俎各

各一。**元**同**唐**制。

國朝正配位尊三籩八豆八簋二簋二登二從祀兩廡各籩二豆二簋一簋一。

幣

周制釋奠先聖先師行事必以幣。**唐****宋****元**以及**國朝**幣皆用白色。

牲

漢高祖過魯以太牢祀孔子。章帝幸闕里祠以太牢。**魏**以太牢祀孔子于辟廱。**晉**武時太學及魯國祀孔子俱備三牲。**唐****宋**皆以太牢。南渡後以羊豕代。**元**牲用牛一羊五豕五。

國朝牲用牛羊豕各一。配位共羊豕各一。

酒齊

唐犧尊實醴齊。象尊實盎齊。山罍實以酒。**宋**設尊實五齊三酒酌尊實泛齊醴齊。**元**及

國朝並同**唐**制。

染盛

唐簋實以稻粱。篚實以黍稷。**宋****元**及

國朝同。

籩豆之實

唐籩實以石鹽乾魚棗桃榛菱芡鹿脯白餅黑餅豆實以韭菹醯醢菁菹鹿醢芹菹兔醢荀菹魚醢脾折菹豚拍。後祀籩實以栗黃鹿脯豆實以菁菹鹿醢。宋元同唐制。

國朝籩減白餅黑餅豆減脾折菹豚拍。後祀籩實以栗鹿脯豆實以菁菹鹿醢。

樂舞

周制凡釋奠者必有合。合謂合樂也。漢章帝幸闕里祀孔子作六代之樂。唐顯慶三年先聖廟樂用宣和之舞。開元禮皇太子釋奠迎神用誠和之曲。皇太子行用承和之曲。登歌奠幣用肅和之曲。迎俎用雍和之曲。文舞退武舞進酌獻用舒和之曲。送神又用誠和之曲。宋政和親祀儀用姑洗之宮三成。迎神作凝安之曲。皇帝行作同安之曲。奠幣作明安之曲。酌獻作成安之曲。三獻送神作凝安之曲。一成元釋奠樂章皆

用宋舊曲。後擬易之而未及用。今錄于此。迎神奏文明之曲。盥洗奏昭明之曲。升殿奏景明之曲。宣聖酌獻奏誠明之曲。同。配位亞獻奏靈明之曲。同。終獻送神奏慶明之曲。

國朝仍用大晟登訶樂。

樂圖

搏	拊
搏	拊
歌	工
歌	工
歌	工
歌	工
歌	工
歌	工

舞律

祝

琴 琴 琴 琴 琴 瑟 瑟

鍾

笛 笛 篪 篪 塤 塤

和笙 和笙 簫 簫 鳳笙 鳳笙

集禮卷十六 注

釋奠正位陳設圖

集禮卷其六

搏拊
搏拊
歌工
歌工
歌工
歌工
歌工

協律郎

歌

琴
琴
琴
琴
瑟
瑟

磬

笛
笛
篪
篪
塤
塤

笙
笙
和笙
和笙
簫
簫
鳳笙
鳳笙

神位

榛
菱
芡
麩
鹽
蠶
棗
栗
稷
梁
肉羹

牲
燭

生
香
燭
香

釋奠配位陳設圖

集禮卷之二

牲燭

祝	黍
蕡	稻
醢	羹
藟	鹿醢
兔醢	
芻	
魚醢	

鹽
乾
棗
鹿脯

牲燭

日

丁

三

三

九

一和作幣
一養
一養
一養
一養

祝
黍
牲
燭
醴
醢
菁
醢
麩

降香遣官釋奠孔子廟學儀注

時日。以春秋二仲上丁日行事。

齋戒。

皇帝齋戒。

三獻官并各執事官俱

散齋二日。致齋一日。

省官為初獻。翰林院官為亞獻。國子祭酒為終獻。學

官為分獻。

降香。前祀一日清晨有司立仗。百官具公服

侍班。

皇帝服皮弁服升

奉天殿。奉香授三獻官。捧由中陛降。中道出至午門外。置龍亭內。儀仗鼓吹導引至廟學。

陳設。前釋奠一日。有司陳設如圖儀。

省饌。前釋奠一日。三獻官法服。并執事官集於初獻齋所。執事者陳禮饌於廟門之東南。南向。贊引引三獻官就省饌位。點饌訖。次引至省牲位。執事者牽牲省訖。詣神廚視鼎鑊。視祭器。滌漑。視牲充膾。遂殺牲。執事者以盤取毛血置於饌所。遂烹牲。有司掃除殿之內外。訖還齋所。

正祭。釋奠日丑前五刻。執事者入實尊。壘籩

豆簋盥牲俎。列幣篚于酒尊所。贊引引獻官及應祀官各法服入就位次。引監禮。監祭官升殿。點閱陳設。糾察不如儀者。樂正率工人各入就位。餘官各服祭服。次引三獻官入就殿下席位。北向立。贊禮稍前唱。有司謹具。請行事。迎神。贊禮唱迎神。樂正舉麾奏之曲。贊禮唱鞠躬拜興。拜興。平身。獻官及在位者皆鞠躬拜興。拜興。平身。樂止。

奠幣。贊禮唱奠幣。贊引引獻官詣盥洗位。搯
笏。盥手。悅手。出笏。詣

文宣王神位前。樂奏 之曲。贊禮唱跪。獻官

北向跪。搯笏。三上香。執事者捧幣東向跪。授獻

官。獻官受幣。贊禮唱奠幣。獻官興。奠幣于神位

前。贊引唱鞠躬拜興。拜興。平身。次詣兗國復聖

公。邾國宗聖公。沂國述聖公。鄒國亞聖公。四配

神位前。以次逐位上香。奠幣皆如正位前之儀。

奠訖。樂止。復位。

進俎。贊禮唱進俎。執事者舉俎升自東階。樂

奏 之曲。贊引引獻官至

文宣王神位前。搯笏。以俎進于神位前。以下四

皆同。出笏。復位。

初獻。贊禮唱行初獻禮。贊引引獻官詣爵洗

位。搯笏。滌爵。拭爵。以爵授執事者。以下四位爵。其滌拭皆同。

次引詣酒尊所。司尊者舉罍。執爵者以爵進酌

犧尊之泛齊。以爵授執事者。以下四位進。爵酌酒皆同。出笏。

贊禮唱詣

文宣王神位前樂奏 之曲獻官至神位前

跪搢笏三上香三祭酒奠爵出笏樂止贊禮唱

讀祝讀祝官持版進于神座之右北向跪讀祝

文訖樂作贊禮唱俯伏興平身稍後鞠躬拜興

拜興平身樂止次引至四配神位前上香祭酒

讀祝並如上儀

亞獻終獻行禮並如初獻之儀唯不讀祝

分獻贊禮俟行終獻時唱分獻官行禮贊引

引分獻官詣盥洗位搢笏盥手悅手出笏次詣

爵洗位搢笏執爵者以爵進受爵滌爵拭爵以

爵授執爵者出笏贊引各引分獻官詣殿上十

哲并兩廡從祀先賢神位前分獻官跪搢笏奠

幣三上香三祭酒奠爵出笏俯伏興平身稍後

鞠躬拜興拜興平身復位

飲福受胙贊禮唱飲福受胙贊引引初獻官

詣飲福位鞠躬拜興拜興平身稍前跪搢笏奉

爵者進爵獻官受爵祭酒飲福酒以爵置于地

奉俎者進俎獻官受俎以俎授執事者出笏俯

伏興平身。鞠躬拜興拜興平身。

徹豆。贊禮唱徹豆樂奏。之曲。掌祭官徹

豆。贊禮唱賜胙。傳贊唱已飲福受胙者不拜。亞

獻官以下皆再拜。鞠躬拜興拜興平身。樂止。

送神。贊禮唱送神樂奏。之曲。贊禮唱鞠

躬拜興拜興平身。獻官以下皆鞠躬拜興拜興

平身。贊禮唱祝人取祝幣。人取幣。詣望瘞位。讀

祝官取祝捧幣者捧幣。詣望瘞位。

望瘞。贊禮唱望瘞。贊引引三獻官詣望瘞位。

贊禮唱可瘞。東西面各二人。以炬燎火。俟半燎

實土半坎。贊禮唱禮畢。獻官以下各引以次出。

